

ՆՈՐ ԳՐՔԵՐԻ ՏՆՍՈՒԹՅՈՒՆ

С. А. АЛАХВЕРДЯН—«Роль рабочего класса в победе колхозного строя в Армении»
(1927—1935). Издательство АН Армянской ССР, 1969 г., тираж 1000, 208 стр

Ներկա աշխատությունում, որ լույս է տեսել ռուսերեն լեզվով, լուսարանված է մեր հանրապետության բանվոր դասակարգի ցույց տված բազմակողմանի օգնությունը գյուղի աշխատավորությանը՝ կոլտնտեսային շինարարության տնտեսական ու կուլտուրական զարգացման գործում: Ինչպես նաև արտացոլված է վերջինիս ազդեցությամբ գյուղացիության վերափոխման պրոցեսը:

Սովետական կարգերի հաստատումից անմիջապես հետո Հայաստանի աշխատավորությունը, կոմունիստական կուսակցության ղեկավարությամբ, և եղբայրական մյուս ժողովուրդների անշահախնդիր օգնությամբ, ձեռնամուխ եղավ ժողովրդական տնտեսության վերականգնմանը, որն արդեն 1925 թ. վերջում հիմնականում իրագործվեց: Այնուհետև ծավալվեցին երկրի սոցիալիստական ինդուստրացիան աշխատանքները: 1927 թ. ինդուստրացիան քաղաքականությունը ևս տվեց իր ցանկալի արդյունքները: Բայց արդյունաբերությունից խիստ նոսր մնում գյուղատնտեսությունը, որը, բնականաբար, բացասաբար էր անդրադառնում երկրի ժողովրդական տնտեսության վերելքի վրա:

Անհրաժեշտ էր գյուղում ևս փոխել արտադրահարաբերությունները, որի համար էլ մեր կուսակցությունը ընդունեց գյուղատնտեսության կուլեկտիվացման կուրս:

Այս հարցի լուսարանման է նվիրված մենագրության առաջին գլուխը, որ հանգամանորեն շարադրված է բանվոր դասակարգի մղած պայքարը գյուղի կուլեկտիվացման համար:

Հայաստանում սովետական կարգերի հաստատումից հետո, հողի հարցը բարդացել էր նաև ույն պատճառով, որ Արևմտյան Հայաստանի թուրքական լաթաղանից փախած հազարավոր հայ ընտանիքներ, որոնք հիմնականում հողագործներ էին, հանգրվան էին գտել նորաստեղծ հանրապետությունում, և անհրաժեշտ էր նրանց ևս ապահովել տնամեքենաներով: Հեղինակը այս գլխում կանգ է առել նաև այն միջոցառումների վրա, որոնցով լուծվել է վերը նշված խնդիրը:

Համատարած կուլեկտիվացման և կուլակությանը որպես դասակարգի վերացման գործում բանվոր դասակարգի կատարած դերին է նվիրված գրքի հաջորդ գլուխը, որ բերված են կուսակցության և կառավարության կայացրած որոշումներն այս հարցի իրագործման վերաբերյալ և ցույց է տրված կուլակության մղած դասակարգային պայքարը նորաստեղծ սովետական իշխանության դեմ:

Գրքի երրորդ՝ եզրափակիչ գլխում շարադրված է Հայաստանի բանվոր դասակարգի կատարած ներդրումը կոլտնտեսային կարգերի ամրապնդման գործում և նրա մղած պայքարը գյուղի կուլտուրական հեղափոխության վերջնական հաղթանակի համար:

Ս. Ա. ՄԱՆՈՒԿՅԱՆ — «Լեռն Բաշալյան», Հայկական ՍՍՀ ԳԱ հրատարակչություն, 1969 թ., տպաքանակը 1000, 266 էջ:

Մենագրությունը նվիրված է արևմտահայ գրականության գրեթե չգնահատված տաղանդավոր ներկայացուցիչներից մեկի՝ Լեռն Բաշալյանի կյանքին և գրական ստեղծագործությանը: Հեղինակը ձգտել է ի մի բերել Բաշալյանի գրական ժառանգությունը և որոշել նրա տեղը հայ գրականության մեջ:

Արևմտահայ ռեալիստական արձակի, մասնավորապես նորավեպի և պատմվածքի զարգացման գործում մեծ նրախտիք ունի Բաշալյանը: Նրա թողած գրական ժառանգությունը շատ չէ, բայց, այդուհանդերձ, ստեղծել է գեղարվեստական մի շարք արժեքավոր գործեր, որոնք հայ դասական գրականության ընտիր էջերից են:

Ներկա գրքույկը Բաշալյանին նվիրված մենագրական ուսումնասիրության առաջին փորձն է, որի նպատակն է համառոտակի գծել գրողի ստեղծագործական ուղին և ներկայացնել նրա դիմանկարը: Այդ պատճառով էլ հեղինակի ուշագրության կենտրոնում է Բաշալյանի գեղարվեստական ժառանգությունը, իսկ հասարակական, հրապարակախոսական, գրաքննադատական ու

յրագրական գործունեությունը անդրադարձել է այնքանով, որքանով դա անհրաժեշտ է եղել ամբողջական գաղափար տալու տաղանդավոր արձակագրի մասին:

ԻՌԻՄԱՆՅԱՆ — «Արվեստի մասին», Հայկական ՍՍՀ ԳԱ հրատարակություն, 1969 թ., տպաքանակը 4000, 284 էջ:

«Ինձ շատ ուրախացրեց Թումանյանը արվեստի մասին ժողովածուն: Վաղուց պիտի արվեր այդ Թումանյանը մեր ազգային մեծ բանաստեղծն է և նրա ամեն մի խոսքը մեզ համար սրբություն է»: Մ. Սարյանի այս գնահատականով է բացվում «Թումանյանը արվեստի մասին» ժողովածուն, որ մեծ բանաստեղծի ծննդյան 100-ամյակի առթիվ հրատարակել է ԳԱ արվեստի ինստիտուտը:

Ինչպես ամեն մի մեծ գրող, Թումանյանը ևս տարբեր առիթներով անդրադարձել է հայ ազգային մշակույթի համարյա բոլոր բնագավառներին: Նա իր ասույթներում ու նամակներում ընդգրկել է թատրոնի, նկարչության, երաժշտության, ճարտարապետության, հնագիտության ու ազգագրության հարցերը և եռանդուն մասնակցություն է ունեցել հայ արվեստի ստեղծագործական միությունների ու կազմակերպությունների աշխատանքներին:

Նրա խորին համոզմամբ, քաղաքակրթ ժողովուրդ դառնալու համար պետք է հովանավորել ու զարգացնել գեղարվեստը: Եվ ինքն անձամբ այդ արել է: 900-ական թվականներից մինչև 20-ական թվականների սկիզբը դժվար է հայ արվեստի ու գրականության բնագավառում նշել մի կարևոր իրադարձություն, որի նախաձեռնողը կամ եռանդուն մասնակիցը չլիներ Թումանյանը: Սրա լավագույն վկայությունն է «Արվեստի մասին» ժողովածուն, որ ամփոփված են նրա բանաստեղծությունները, հոգվածները և նամակները ուղղված տարբեր արվեստագետների կամ այդ բնագավառի աշխատողների:

Գրքի բանաստեղծություններ բաժինը բացվում է նկարիչ Գ. Բաշինջաղյանի «Զորագետը զիշերով» նկարի առջև ստեղծագործությամբ, որին հաջորդում են այլ բանաստեղծություններ նվիրված Պ. Աղամյանին, Հ. Ալվաղովսկուն և Գ. Տեր-Դավթյանին:

Հոգվածներ բաժնում տեղ են գտել Թումանյանի տարբեր առիթներով գրած հոգվածները: Թատրոնի և դրամատուրգիայի, կերպարվեստի, երաժշտության ու ճարտարապետության վերաբերյալ, որոնցում արտացոլված են նրա յուրօրինակ մոտեցումը և գնահատականը արվեստի, նշված բնագավառներին:

Թումանյանը լայն շփման մեջ է եղել Անդրկովկասի և Ռուսաստանի բազմաթիվ գրողների և արվեստագետների հետ: Այդ են վկայում նրա նամակագրությունները արվեստի վարպետների հետ և վերջիններիս հուշերը նրա մասին:

Հավելվածներ բաժնում զետեղված են Ե. Թադևոսյանի, Փ. Թերլեմեզյանի, Ա. Մայիլյանի, Ա. Տիգրանյանի, Մ. Սարյանի, Լ. Գուդիաշվիլու, Յա. Նիկողոսյանի և այլոց հուշերը անմահ Թումանյանի մասին:

«Թումանյանը արվեստի մասին» ժողովածուն, որ լավագույն նվեր է մեծ գրողի ծննդյան 100-ամյակին, կազմել է Թումանյանի թոռը՝ Ի. Ռ. Սաֆրազբեկյանը: Այն խմբագրել է Թումանյանի ստեղծագործությունների քաղատեղյակ մասնագետ Արամ Ինճիկյանը:

*

«Իսկուստվո» հրատարակությունը նախաձեռնել է «Սովետական գեղագիտության և արվեստի տեսության պատմությունից» շարքի հրատարակմանը: Սովետական գեղագիտությունը անցել է կարճ, բայց բացառիկ հարուստ և ինքնատիպ ճանապարհ: 20—30-ական թվականների բուռն ծաղկումից հետո սովետական գեղագիտական միտքը ապրեց երկարատև ընդհատման ժամանակաշրջան: Եվ միայն 50-ական թվականների վերջին սկսվեց նրա զարգացման նոր, արդյունավետ շրջանը: Նախընթաց ժամանակաշրջանի արժեքավոր ժառանգությունը, սակայն, դեռ լիովին չի ըմբռնված ու ուսումնասիրված: Վիդոտսկու, Ասմուսի, Բախտինի, էյխենբաումի և մյուս գիտնականների փայլուն գործերը մնում են գիտական հասարակայնության ուշադրության կենտրոնում: «Իսկուստվո» հրատարակության շնորհակալ աշխատանքը թույլ կտա ընդհանրացնել և օբյեկտիվորեն գնահատել սովետական գեղագիտության և արվեստի տեսության հարուստ փորձը:

Հրատարակված են շարքի առաջին երկու գրքերը՝ Լ. Վիդոտսկու և Վ. Ասմուսի գործերը: Հետագայում ենթադրվում է հրատարակել Մ. Ռոզենտալի, Լ. Բոգատիրյովի, Ի. Իլյինի, Մ. Լիֆշիցի և մյուս հեղինակների աշխատությունների ժողովածուները:

Л. С. ВЫГОТСКИЙ, *Психология искусства*, М., «Искусство», 1968, 576 стр.

Ականավոր սովետական գիտնական Լ. Վիգոտսկին նշանակալի ներգրում է կատարել 20-րդ դարի գիտական հոգեբանության զարգացման բնագավառում: Իր գործերում Վիգոտսկին հոգեբանության տարբեր պլուրալիզմները գիտում էր սոցիալական տեսանկյունից: «Արվեստի հոգեբանությունը» աշխատությունը՝ գրված զեռ 1925 թվականին, չի հրատարակվել հեղինակի կենդանության օրոք: Գրքի առաջին հրատարակությունը իրագործվեց 1965 թվականին: Այն արժանացավ ընդհանուր հավանության, որին հաջորդեց նոր, երկրորդ, լրացված և ուղղված հրատարակություն:

Հեղինակի առչե գրված գլխավոր հարցը հետևյալն էր. ի՞նչն է տալիս ստեղծագործությանը գեղարվեստականություն, ի՞նչն է դարձնում նրան արվեստի գործ: Մտահղացումը կայանում էր նրանում, որ, վերլուծելով գեղարվեստական գործի ստրուկտուրայի առանձնահատկությունները, վերստեղծվեր նրա առաջացրած ազդեցության ստրուկտուրան: Դրա մեջ էր նա տեսնում այն փանի գաղտնիքը, թե ինչու մեծ ստեղծագործությունները շարունակում են հրապուրել դարերի ընթացքում:

Աշխատության առաջին գլուխներում Վիգոտսկին հանդես է գալիս արվեստի հին և նոր ժողովրդական տեսությունների, ֆրեյդիզմի, ֆորմալիզմի քննադատությամբ:

Այնուհետև, նա անցնում է հիմնական խնդրին՝ բովանդակության մեջ ներթափանցելու ճանապարհով գեղարվեստական ստեղծագործության ստրուկտուրայի վերլուծության: Վերլուծելով որոշակի երկեր՝ առակ, պատմվածք, Շեքսպիրի «Համլետ» ողբերգությունը, Վիգոտսկին բացահայտում է արվեստի ստեղծագործության ազդեցությունը ստեղծող «ներքին» շարժումը:

Գրքի նոր հրատարակության մեջ առաջին անգամ հավելվածի ձևով հրատարակվում է «Շեքսպիրի՝ դանիական արքայազնի՝ Համլետի մասին ողբերգությունը» ընդարձակ ուսումնասիրությունը: Այդ գործում Վիգոտսկին առաջին անգամ դիմում է բուն պիեսի հետազոտմանը, առանց անդրադարձնալու մինչև այդ կոտակված պատմադրականագիտական և կենսագրական ենթադրություններին:

Վիգոտսկու դրբում ամեն ինչ էլ, որ դիմացել է ժամանակի քննությանը, սակայն նրա դրույթներից շատերը փայլուն ձևով հաստատվեցին: Գրքում կան և վիճելի հարցեր, բայց դա բնական է, քանի որ այդ դիրքը ստեղծագործական ուսումնասիրություն է:

В. Ф. АСМУС, *Вопросы теории и истории эстетики*, М., «Искусство», 1968, 654 стр.

Սովետական անվանի գիտնական Վ. Ֆ. Ասմուսի ընտիր աշխատությունների ժողովածուն «Սովետական գեղագիտության և արվեստի տեսության պատմությունից» շարքի երկրորդ հատորն է: Ժողովածուում ներկայացված հոդվածները տպագրվել են տարբեր ժամանակներում՝ պարբերականների էջերում: «Նա երբեք չեմ դրել կոնյուկտուրային գործեր,— գրում է հեղինակը,— բայց միշտ ձեռնարկել եմ թեմաներ, որոնք գիտության մեջ արդիական են եղել ոչ միայն տվյալ վայրկյանին, երբ ես առաջին անգամ դիմում եմ դրանց, այլև պահպանել են արդիական նշանակությունը գալիք ժամանակներում ևս»: Հեղինակի համար հիմնական հետաքրքրություն է ներկայացնում թափանցումը գեղագիտական ուսմունքների պատմական կազմավորման տեսական բովանդակության մեջ:

Ժողովածուն կազմված է երկու մասից՝ պատմական և տեսական, սակայն այդ մասերը ներգործող են, ներթափանցող: Հեղինակի հետաքրքրությունները գեղագիտության պատմության մեջ էլենտրոնանում են երեք կարևորագույն ժամանակահատվածների վրա՝ անտիկ գեղագիտության պատմություն, գերմանական կլասիկ գեղագիտության պատմություն, ռուս գեղագիտական մտքի պատմություն:

Անտիկ գեղագիտության պատմությունը ներկայացված է երկու հոդվածներով, որոնցում քննվում են գրական քննադատության հարցերը Արիստոֆանի կատակերգություններում և Արիստոտելի գեղագիտությունը: 1936—1938 թթ. գրված այդ հոդվածները չեն կորցրել իրենց նշանակությունը և այսօր Դրանցից առաջինում փաստորեն ցույց է տրված անտիկ գեղարվեստական քննադատության ծագումը, երկրորդում՝ Արիստոտելի տեղը գեղագիտության հիմնադիրների շարքում:

Երկրորդ բաժնի հոդվածները՝ նվիրված արտասահմանյան գեղագիտությանը («Շիլլերը Խբրեկ քննադատ» և «Դյոթեն էկկերմանի զրույցներում»), կենտրոնականներն են ժողովածուում: 18—19-րդ դարերի գերմանական գեղագիտությունը հեղինակի հատուկ հրապուրանքի առարկան

է, Ընթերցողներին հայտնի է Վ. Ասմուտի «18-րդ դարի գերմանական զեղագիտությունը» (Մ., 1963) գիրքը, որը մեծապես տարբերվում է փաստագրական և տեղեկատու բնույթի հանրամատչելի հրատարակություններից:

Գյոթեի մասին հոգվածը հրապարակվել է 1934 թ.՝ որպես նախաբան էկկերմանի «Զրույցներ Գյոթեի հետ» գրքին, իսկ Շիլլերի մասին 1957 թ. գրված հոգվածը ամբողջությամբ տպագրվում է առաջին անգամ, ինչպես վկայում է հեղինակը, նրա ընտրությունը կանգ է առել Շիլլերի և Գյոթեի վրա, որովհետև երկուսն էլ իրենց զեղագիտական հայացքները ձեռք են բերել ոչ միայն փիլիսոփայական և դեղագիտական գրականության ուսումնասիրությունից, այլ նաև արվեստի պրակտիկայից՝ սեփական և օտար:

Հեղինակի հնաքերությունների բազմակողմանիությունը արտահայտող ամենատարբեր հարցերին են նվիրված ուսու զեղագիտության պատմությանը վերաբերող հոգվածները՝ «Պուշկինը և ռեալիզմի տեսությունը», «Լեոնտովի գաղափարների շրջանակը», «Խելքից պատուհասը» իբրև զեղագիտական խնդիր, Հատկապես պետք է առանձնացնել «Լ. Տոլստոյի աշխարհայացքը և դեղագիտությունը» (1961 թ.) և «Ռուսական սիմվոլիզմի զեղագիտությունը» (1937 թ.) հոգվածները: Առաջինում հեղինակը փորձում է բացահայտել Տոլստոյի հակասությունների հիմքը: Ոչ պակաս բարդ և քիչ լուսավորված հարցի է նվիրված և երկրորդ հոգվածը: Ռուսական սիմվոլիզմի փիլիսոփայական և դեղագիտական ակունքների բացահայտումը օգնում է ավելի լավ ըմբռնել այդ բարդ և հակասական երևույթի օրյեկտիվ արժեքը:

Բնական է, որ տարբեր ժամանակներում գրված հոգվածները իրենց վրա կրում են տվյալ ժամանակի կնիքը: Սակայն նրանցից յուրաքանչյուրում երևում է հեղինակի՝ սովետական անվանի գիտնականի միասնական ստեղծագործական դեմքը, որի գործերը բարձր են գնահատվում ոչ միայն Միության սահմաններում, այլև նրա սահմաններից դուրս:

«Սովետական զեղագիտության և արվեստի տեսության պատմությունից» շարքը հաջորդ սկիզբ ունի: Ցանկանանք նրան նույնպիսի շարունակություն: